

# OMUKWETU

Registered at the General Post Office as a Newspaper

## O V A F I T A V A E L O K M E P A N G E L O

Natango evafita vOngerki ei otava hapupala moilonga yEpangele lOwambe. Vavali eve li paife eeministeli navatatu eilye ye-ngudu onhotiveta.

Ovafita vatatu vape, Johannes Kalenga, Hofni Nakamhela naHerman Shongelo, ova heveta eilonga mongudu hai tete eeveta.

Epangele lOwambe ela pe-  
ululwa eenghono okudja  
efiku letete laMai neu-  
do nomutumba wale ewa  
yeululwa 11.10.1973  
keministeli yetete ya  
S.A., omushamane John  
Vorster, mOngwediva.

Omufitaangalo Shongelo  
eva heveta eilonga pe-  
nhele yomufitaangalo  
Juuso Shikongo.

Tate Shikongo okwa ya-  
kula mongudu onhotive-  
ta okudja 1968 eshi O-  
wambe ya pelwe elipa-  
ngele letete.



Mefane eeministeli ikulunhu mEpangele  
ehamba Filemon Elifas

Omufitaangalo Titus Heita, ou naye a yakulile mongudu eye e-  
kudja 1968, okwa ninga oshilye shimwe shomeeministeli, pe-  
nhele yelenga ekulunhu Kaimbi Mundjele.

Ovafitaangalo aveshe mOngerki ya ELOK tava longe moilonga  
yEpangele mOwambe neKavango, eve li 8, vatatu aveke Epa-  
ngelongerki le va mangulula moilonga yeangalo.



OSHIKEFA SHA BISHOPT AUALA (BISKOP AUALA FONDS)

"Kwa kalelelwa ku na sha," osho omukulu wonale a tile. Ngeno okwa li hepyo lOshinyanyangido, ngeno apa pe liwe hapo apa vali. Nde natango hapaapa ngo. Kaimba ookaume vahapu ova kala va limbililwa, kutya pamwe eeshali davo oda wila momake a puka. Hasho, oda fika ashike nawa. Epyo lOshinyanyangido olo a-like la nyono omalongekido mahapu.

Ombili eshi nda nyengwa okutula omadina ovayandji aveshe mOmukwetu. Vahapu vomovayadjishali ova hokwa okushanga "Nima ya Nima" ile va shaine ponhele yedina laye. Inava hala "eke lokolumosho li shiive lokolulyo eshi tali ningi." Ile pamwe va dina, ve wete inava yandja sha wana. Nande ongaha, ohatu va pandula ashike, nosenda keshe va yandja otai talwa nohokwe manga inai tuvikilwa.

Opo tuha nyole ko omadina amwe, otwa tokola ashike okunyola omadina ovaongeli ovo va tumbula eeshali deni. Oo nee taa holokele mOmukwetu ponhele yeni. Kakele ashike kombapila yovamati kOkaukweyo, ei tai i mo aishe. Nde komesho apa tashi dulika, natu ka yandjeni omadina a yela, opo a ye mOmukwetu. Osenda keshe to tula mo oi na oshilonga, otai ka ninga oranda. Oranda ashike meke loye, ngenge we i yandje, oya ninga oranda.

Ovamati vokOkaukweyo ova yandja ngaha:

<u>EDINA</u>		<u>EBONGALO</u>	R	C
Jona Hakaye	Leevi	Okalongo	1.40	
Elia	Nghihalua	Engela	1.20	
Mateus	Kaoko	Etunda	1.00	
Urbanus	Moses	Okalongo	.72	
Samuel	Nghihepavali	Ongenga	.55	
Mateus T.	Nanghala	Engela	.50	
Elia	David	Oshitayi	.50	
Immanuel	Ngh Amon	Ohalushu	.50	
Paulus H.	Hauxwamo	Onamunhama	.50	
Thomas	Ndokosho	Onyaanya	.40	
Kristian	Uusiku	Onawa	.30	
David	Hamutenja	Onyaanya	.30	
Petrus	Matias	Onyaanya	.25	
Frans	Thomas	Okaku	.25	
Celestino	Manuel	Ochuulu	.25	
Sakaria D.	Petrus	Onawa	.25	
Alfred	Jacob	Omupanda	.20	
Tobias	Petrus	Onyaanya	.20	
Sakaria	David	Onyaanya	.20	
Filippus	Julius	Onyaanya	.20	
Johannes	Nikanon	Eheke	.20	
Rudolf	Tobias	Onguta	.20	
Festus	Iita	Onyaanya	.20	
Bernard	Kanana	Omupanda	.14	
Veikko	Sheya	Okahao	.10	
Venasiyu	Kaita	Omupanda	.10	
Mathias	Fransisku	Omupanda	.10	
Filemon	Nakanyala	Onyaanya	.10	
Simon	Abgula	Onyaanya	.10	
Paulus	Angula	Onguta	.10	
Levy	Angula	Onguta	.10	
Johannes	Paulus	Onyaanya	.10	
Vany	Pieter	Welwittschia	.10	
Annatjie	Pieter	Sesfontein	.10	
Daniel	Nghishidulu	Ohalushu	.10	
Petrus	Cornelius	Odibo St.Mary	.08	
Festus	Kambalala	Edundja	.07	
Elifas	Amutenja	Onyaanya	.02	
Fransisiku	Haimbodi	Omupanda	.02	
Johannes	Sheuya	Omupanda	.02	



EDHINA

EGONGALO

R C

Abed Mateus  
Jonas Angula  
KUMWE

Ongenga  
Onyaanya

.01  
.25

R 12.15

"OMWENE NGEENGE ITA TUNGU ONGULU, OVATUNGI VAYO OTAVE LIHEPEKE ONGAHO."

Ovaongeli: Elia Nghihalua  
Mateus Nanghala

Eshikulafano eli kali na ashike oshihopaenenwa shiwa mokuyandja, ndele ola ulika yo elongelokumwe lovakriste eengerka da tongoka. Aveshe ava mwa tula sha mongalo ei, Kalunga na punike omake eni. Handi yandje yo ombili ngeenge pe na etumha kano lasha ledina ile leongalo.

O M A O N G A L O M A K W A O O K W A L I N G A H A :

<u>EDINA</u>		<u>EONGALO</u>	R	C
Ester	Amaambo	Oniipa (Paife Elim)	57	.40
Simon	Sheuyange	Kongo	8	.80
Luise	Ndahangwapo	Eenhana	6	.00
Rauna	Leevi	Oniipa	5	.31
Maria	Shilumbu	Kongo	5	.00
Julius	Namugongo	Okaku	1	.30
Efraim	Ueyulu	Eenhana		.60
Lusina	Hanghuuo	Eenhana		.30

KUMWE

84 .71

Meme Ester Amaambo, oupenda woye pamwe naaveshe va ongela mewiliko loye, ohatu u fimaneke. Molufo eli onye mwa findana. Onde lineekela oupenda weni aushe inau iwa nao kOukwambi na meme Ester. Izamu shi efa.

Tate Simon Sheuyange naaveshe va ongela mewiliko loye, omwa ulikila ovanhu kutya mboli "oukulo kai fi vali ekandja", ekandja mbela oshimwe shi lili.

Meme Luise novakulukadi vakweni mwa ongela, tangi kehalo leni liwa. Omwa ulika kutya apa ope na shalo, ope na yo ondjila." Meme Rauna naaveshe mwa ongela pamwe naye, okutala oilonga yeni mOshinyanyangido, ohatu kumwa kutya openi mwa hanga efimbo lokwoongela oimaliwa i fike apa. Kalunga ne mu longekidile vali eshakeno moilonga yeni.

Meme Maria, oshimbale shoye shiwashwa, inashi monika mo nale mOwambo omu, osha fikile nawa kufye nosha landwa po divadiva kutatekulu Ihamäki. Otwa likola mo R5.00. Fiyo opaapa chatu lipula apa wa hangele cembale. Tangi.

Tate Namugongo, otwa kumwa eshi wa dula okwoongela nande u li moilonga yee-tundi. Ohatu ku halele omholo iwa pamwe vaaveshe va ongela mewiliko loye.

Tate Ueyulu na meme Lusina, kape na munhu muhapu ta dula okwoongela sha manga e li mokulihongela ekonakono. Omwa yandja oshihopaenenwa shiwa.

Handi indile nefimaneko, ava oyoongelwa yavo inai fika natango, ve i tume kOmbelewa yOngerki kOniipa, P/sak 2018, Ondangwa, ile ve i fikife komukalo umwe u lili.

Omolwepyo lOshinyanyangido, itaku yandjwa manga eembapila dokweehela eeshali, opo ovanhu va ongelele manga Oshinyanyangido. Ashike itashi ti, kutya eeshali itadi tambulwa ngeno, ahowe. Ou na omhito okuyandja.

Fiyo opaapa otwa ongeleni R 144.63. Voo ovaudaneki ito va mane. Kalunga mwene na pandule aveshe va kuma ko, osho yo ava tava tale meendjato davo nediladilo lokukuma ko.

**ELIFULEMO LENI OTALI ULIKE KUTYA KOMESHO OHATU KA NINGENI PO SHA SHOMUPONDO.**  
(A.L.Nghifikua)



## ETALELOPO LYAATUMWA YOMOWAMBO KUBOTSWANA

Moontokolwa odhindji dhongundu yaafaneki, omwā longekidhwa olweendo lwokuBotswana. Ngashingeyi osha gwanithwa. Mboka ya li ya hala nokuhalelela molweendo nduka, o-ya nukile mbala mihauto iyali pOnandjokwe eti 25.5.1973. Raimo Holopainen, Irja Soikkeli, naMaija-Liisa Tiusanen oyo ya enditha Ofort namboka ya londo moLand-Rover oya li Eine Välimää, Laina Turvainen, Ritva, naSeppo Kalliokoski, Ulla Keski-talio, Pirkko Lattunen naMaija-Liisa Kaljunen. Ihe okakambe haka oka li ke na e-lago molweendo lwako.

Okakomitiye kolweendo oka etha thiluthilu okuutha ethimbo nomahala, pamukalo gwo-shiyafrika lela. Mekwatathano nelandulathano, opwa dhigininwa owala shono tashi pendutha ohokwe yomeni (inspiratio) nomethimbo omwa li mwa yalulilwa wo omathimbo gomupya nogiiponga. Kapwa li sha shokunukitha mo omuntu omwenyo miinima yowala. Manga uusiku inaa u tyā mokati, otwa thiki koMupini, nesiku lya landula olya li ihe lyokudhiginina ethimbo, oshoka olya li lya utilwa oprograma yontumba.

Potundi 4.00 komatango olweendo nduka olwa li lu na okuninga oshigongi shopambepo moshipangelo shaanuulepera puMasare shoka shi li mooha dhondjila. Moshigongi shiyaka oombepo dha pupya kwa kuukumwe. Maija-Liisa Tiusanen okwa popitha aantu melaka lyOshikwanyama naMaija-Liisa Kaljunen a tolokele Seppo Moshindonga. Konima aavu oya pandula nokuhambelela Kalunga. Moomwenyo dhaavu omwa kala einekelo lyaKalunga nakuvula ayihe. Nomomukumo gweivekelo ndika, otwa li wo tu na okutsikila olweendo lwetu nokulandula omulonga gwaKavango okuuka kuuzilo.

Esiku lya landula olya li Osoondaha. Otwa yi tu ka talele po ongulu yetumo lyaKatolika, Andara. Ehala lyongulu olya li ngashi oparadisa. Congala odha li koombinga noombinga nomulonga ogwa li gwa opala. Aayikaleli aakiintu oye tu talitha nawa noku tu ulukila napater okwa udhitha wo ootenga dhetu openzina, notwa tsikile twa yi.

Pongulu yopongamba, Bagan, omupolisi okwe tu ulukile ondjila notwa ningi omayitseyitho agehe ga pumbiwa okutaaguluka ongamba. Opo ihe otwa falwa kehala lyokuyoga, mpoka twi iyogo ontsi ayihe yondjila momulonga gwaKavango. Osheehilitho dhongamba sha yeluthwa, iihauto iyali ya taagulukile handiyaka yongamba moshilongo shilwe. Ngashingeyi otwe ya muBotswana.

Nomokudhiginina omisinda, otwa thiki ihe mOshakawe, moka twi ki itseyitha kaapolisi Oombapila dhetu dha konakonwa nodha sitombwa noshihako shesiku lya piti. Ongulohi otwa yi ihe tu ka konge ehala lyokulala moFishing Safari ndyoka twe li adha potundi ontimugoyi. Ongula sho twa penduka, otwa dhimbulula kutya otwa lala pehala ewanawa pashito pomunkulo gwomulonga. Pehala mpaka oto vulu okumona esiloshimpwiyu lya gwana. Opwa li ootenda nomahala nokugwala nogiikulya. Nehala olya li lya tungwa nihenguti nenge noombungu.

Olweendo lwetu olwa yi sigo okondundu yaTsodilo. Nkwiwaka omuntu oto mono ko aluhe omafano 2000 gAakwankala momamanya ngoka ga kala omimvo dhomayuvi ogendji. PuTsodilo otwa adha po aantu, Aatswana naAakwankala. Moondundu, momakuti, momapya nomiimuna omo mu na einekelo lyomwenyo gwawo. Kapu na ongerki, kapu na osikola, kapu na oshipangelo.

Omuntu omushitwa gwaKalunga okwa tseyā shike kombinga yomushiti gwe. Pamwe momakuti go omwe ende ngaa omuwagalelo gwaKalunga naJesus, ihe kaku na ngoka te mu hololele, kaku na ngoka te mu longo nokaku na ngoka te mu panga. Shika nashi kale momadhiladhilo gwomweendinandjila gwegalikano: Omuwa tuma ko gumwe.

Ongula otwa dhingoloka natango okutala omafano gAakwankala opo ihe otwa yi ishewe mihauto nokutsikila ondjila. Ondjila oyu ukilile mokuti mokati komalonzi omanene gwomwiidhi koombinga noombinga adhihe dhondjila. Konima yondjenda onde ya kwata miiti ya pula esiku alihe, otwa thiki ihe kuSehitwa, ongulohi lya toka lela. Mpaka opo hapu longo omutumwa Helmi Makkonen nopo twa lala.

Esiku lya landula otwa tokelwa okuthikama mbala, omolwombepo ondhigu yongula yuutalala. Oshilando Maun osho twa adha tango, moka twa li twi inkele kutya itatu kala mo, otatu pitilile mo owala. Ihe sho twa li twa pumbwa (Kepandja 5)



pumbwa ongalashe nethimbo olya li lyokugondja, shika osha dhikitha ethimbo lyetu. Otwa li twa tegelele pakefe yimwe ombwanawa lela. Omutungilo gwostrata noongulu ogwo uukweuropa nuukwaafrika mumwe. Oongulu dhiihenguti nandhoka dhomakuma niipeleki inadhi londathana. Momapandaanda iihauto nomatamba guusino oya pingathana pamatalo gooyene noya ende nombili pamanguluko lyoshilonngo.

Pehulilo sho twa thiki komweelo gwiiyamakuti hayi lyana, Morem, etango olya li nale lya ningine mo nosheelo osha li ashike shi na okwcegululwa ongula yesiku tali landula. Onke otwa kongo owala eha lyokulala mpoka popepi. Iinamwenyo mbyoka inayi imbwa nando komweelo gwa patwa, ihe oya dhangolok, palwe nokupita. Omawi gayo oga uvika muule uusiku mbwiyaka. Ongula sho kwa shi manga twa li po tatu nu okoofi kevalo lyaIrja, otwa li twa tala ehologo lyomalwaala omawanawa taga landulathana sho oongwe noomenye tayiya okunwa medhiya.

Ongula yesiku ndiyaka Ofoota wo kaya li ya hala okweenda, ihe Raino okwe yi pangele. Konima yokutunta nokupampala, okupatulula oomboha noku dhi pata, oshihauto osha hwana nokonima otwa li ihe twa tseya kutya otashi ende ngiini. Komatango otwa li twa hokwa okukala mokuti hoka okuwanawa. Otwa tala iinamwenyo nokufaneka. Otwa mono iinamwenyo yomaludhi ogendji ngiika lwopomilongo mbali, oompelele, oombahe, omatotongwe noongwe, oondjamba, oongandu, kokule kwa monika wo oondjambameya nomaludhi ogendji gondhila. Shoka osha li ohokwe yetu osho ondhi ya tsetse ndjoka ya holoka mondjahi. Mondjila yokugaluka puMaun, miihauto yetu omwa pombelwa uuzigo wokudhipaga ondhi ndjoka. "One two, one two," osho omupombeli a tumbula.

Sho twa galukile kuSuidwes-Afrika otwe ya nondjila ndjoka tayi pitile muMaun - Sehatwa - Chanzi. PuChanzi otwa pewa ongodhi ombwanawa ndjoka ya li yi na oshilonga oshinene ethimbo alihe lyehulilo lyolweendo. Nando iihauto oya hilathana, pongamba otwa thiki po ngaa otundi ontine komatango. Ndyoka wo olya li ethimbo lyokupata omweelo, notwa piti.

Osoondaha ontiyali molweendo lwetu otwe yi ingile mondjila yoku uka kuGobabis, mpoka twe ya po mOlyomakaya, oshoka oakiseli yoLand-Rover yetu oya teka. Omadhiladhilo oga kala natango muule wolweendo lwefudho. Irja okwa tameke okukanga uukukitha. Ongula yOsoondaha, mboka ye ende nondjila yoteya oye tu kundu nenyanyu.

Uusiku aamwameme aalumentu oya pangele natango oshihauto nomahooli sho ga li ga kukuta oye ga yenyeke kokuhengumukitha komulilo. Osho ngeyi twa yi, twa tsikile ondjila. Land-Rover oya li tayi nana ashike nomagulu gokomeho. Olweendo lwayo olwa hulu mOtjiwarongo mongalashe. Okuza mpoka oFoot, oya tula aantu niinima muyo noye ende nawa sigo opegumbo.

Omushangi: Pirkko Lattunen  
Omulundululi: Festus Ashipala

@@@@@@@@@@@@

MASIKU KONGOLO KWA SHI, INAMU DHIMBWA ONDJALULAMASIKU YETU, MASI-KU MASIKU NGAA. NANDO KASHA LI OSHIPU, OKWA KAMBADHALIWA NOMUKA-LO KEHE TAGU VULIKA OPO TU KALE TU NA NOMUMVO TAGU YA OOTEKISTI DHOMUMVONGERKI AGUHE.

+++++



## "OOTEROLESA OOLYE?" AARHODESIA TAA PULA

Iipompolo yomatanga giita ngoka taga ponokele muRhodesia, oga pendutha omaipulo maantu yaamoka, aanangeshefa, aanangerki nosho wo aapolitika. Gumwe gwomaatoolinkundana yaamoka okwa nyola ngeyi:

Epangelo lyaSmith olya luku iita mbyoka kutya oyooterolesa ndhoka ye na okudhipagwa shimpa tuu ya monika keho. Oongerki odha tsu nga kumwe mokwaapopila omukalo gwehithimino, ihe dhimwe odha yooloka kashona kutya omathimino oge li wo opendji.

Oongerki dhimwe ngashi ndjono yaAnglikani noyaReformi, odha pangula wo uuterolesa nodha thiki sigo ompoka kutya itadhi gandja we nokuli iimaliwa yoompale kOraata onene yOongerki muuyuni (WCC), molwashoka aniwa ohayi ka pewa ooterolesa.

Ihe oongerki dhimwepo ngashi Oongerki ya hangana yaMethodisi nOongerki yaKristus, ndhika otadhi pula ku ningwe ekonakono oopo ku dhimbululwe shono hashi vala uuterolesa.

Oongerki ndhika odha gandja wo uusama sho aatiligane taa dhiginine mokati kawo omukalo guukwaludhi, ngoka tagu pendutha mepangelo li monike lya fya olyo omudhi tagu tsapuka uuterolesa.

Mehokololo lyokomitiye yokutala okukala kwomukriste nonkalathano mongerki ndjoka okomitiye otayi indile omautho gamwe ga kuthwe po mEpangelo, ngashi oveta yokutembukitha aantu.

Oveta ndjika oya tembudha aaluudhe yoomiliyona 5½ ya ze momatathapya gawo, oyo ya ka lale momahenge nomomamanya, manga aatiligane ye thike ashike 250,000 taa langekwa mpoka tapu ziwa.

Okomitiye yOongerki ndjoka yaMethodisi oya ti natango, kutya ehulithopo lyuuterolesa kali li unene mokutuma aakwiita koongamba ihe otawo manwa po ashike kokukutha po iinima tayi ehameke aantu nonkalathano nokweeta po uuthikepamwe womuntu kehe.

Oongerki yaReformi noyaAnglikani ndhoka dhu uvite wo kutya oveta yoku utha pokati komaludhi gaantu, ando yi kuthwe po, oyo ya tala wo kutya, shoka itashi ka hulitha po uuterolesa.

Aambisofi yaali yaAnglikani, Paul Burrough naMark Wood, oya li ya nyolele ombilive kOraata yOongerki okutamaneka egandjo lyimaliwa kaakondjelimanjuluko. Shika oye shi tamanekelwa ishewe kuPercy Mkudu, oshilyo oshikulu shomondjugo yokutota oveta, shono aambisofi ya hulitha po egandjo lyoompale, yo inaa kundathana naaluudhe iilyo yOongerki.

Epangelo lyaRhodesia otali tala ongerki

ngashi ndjoka yaMethodisi, kutya oya hwethwa mo kombepo yuukomunisi noyi li po ashike yi taandelithe uuterolesa moshilongo. Osho wo oministeli yuuyuki, Desmond Lardner-Burke, okwa yalula uupolotika wooterolesa, kutya oshiponga oshinene shokuyonagula ashike onkalathano ombwanawa pokati kiigwana nomihoko.

Ye ta ti natango kutya ooterolesa odho oshikaha shuukomunisi tashi kongo okukwata uumbugantu waAfrika pothingo.

### UUTEROLESA OWA ZA NALE

Oshilyo shimwe shomongundu tayi pangele ngashingeyi moka, kashi lwe-te ekwatho lyoonkundathana pokati ka Rhodesia naBritania kombinga yuuterolesa, shila oku u hwameka owala.

Sho oshilyo oshikwawo shomongundu tuu ndjoka, R.Cronje, tashi ti kutya uuterolesa owa tameke nale mabga epange lo lyaSmith inali ya koshipundi, notau ka tsikila, sigo Rusia naKina ya dhike epangelo lyawo okuza Kairo sigo Kaapstad.

Omumbisofi Abel Muzorewa, ye okwe shi tala shi ili. Ye ota ti, kutya muRhodesia ando aaluudhe naatiligane ya kundathane omayooloko gawo, etaa ziminathana miinima iinene yepangelo tayi eta uuwanawa komihoko adhihe, shoka osho ashike tashi ka fupipika onkalo ndjoka hayi ithanwa kaatiligane kutya uuterolesa noopelesenda 95.

Oshilyo shomongundu ompeempe moshilongo Allan Savory, osha ti, kutya Rhodesia oshi li miita yaakwashigwana yoyene. Oshoka Aarhodesia oyo taa kondjitha Aarhodesia ooyakwawo meni lyaRhodesia Okwa tsikile ta ti, kutya epuko enene okwiithana mboka taa gwayelemo kutya oyo ooterolesa, nando oyo lela aakondjelimanjuluko.

Okwa tamanekwa kaatiligane ayehe mopalamende. Omutiligane gumwe okwa ti kutya kehe ngoka te ya muRhodesia nikondjitho yiita oterolesa naanaa. Ye omuluudhe gumwe te mu yamukula ta ti, kutya ngele ongaaka, nena aakwiita wo ya S.A. mboka haye ya ya kondje moongamba dhaRhodesia, nae talwe ongo-



oterolesa. (Osho omutumba gwepangelo gwa li po tagu kundathana).

AARIODESIA OYA TI KUUTEROLESA KULIWA

Manga uuterolesa tau kongelwa edhina mondjugo yokutota ooveta, sho oshilongo hwiayaka kooha oshi li ko tashi hupu nayi. Pamadhiladhilo gepangelo omuntu kehe ta tilitha yakwawo oku na ombepo yuuterolesa. Pafatululo ndika Aaluudhe muRhodesia oye na uudhigu okuyoolola pokati kaakwiita yaRhodesia naakondjelimanguluko.

Olwindji aakondjelimanguluko, ohaye ya ashike taa indile iikulya yo etaa piti po taa yi. Yo aakwiita yaRhodesia ohaye ya taa hadha omagumbo okakololo kehe, taa patitha oosikola, uupangelo noositola. Nopomathimbo gamwe ohaa yaha iimuna unene oongombe.

Aaluudhe yamwe oya yahwa, ya si, yamwe oya tembudhilwa pomahala galwe koonkondo pwaa na eyalulo lyaashono sha kanene momatembu nenge tapu yalulwa kashona kowala Aantu otaa tulwa moonholongo omathele nomathele pwaa na etompelo neuliko lyondjo paveta.

Epangelo ohali fatulula, kutya ayihe mbika ngi ningwa nuukukukutu kaakwiita omolwamboka haa holeke ooterolesa nenge oku dhi kwathela. Aantu yamwe muRhodesia oye na eitaalo, kutya ooterolesa ndhoka hadhi yalulwa kepangelo 93, dha dhipagwa kaakwiita, otashi vulika mwa yalulilwa aantu yowala mboka ya dhipagwa yaa na ondjo.

Omasiku ga zi ko, omukuluntu gumwe gwomoshikondo shuuyuuki okwa ti, kutya pongamba dhaRhodesia naZambia opwa kwatelwa aantu yamwe yomoshilongo, noye li ngashingeyi mudhigu.

Shika otashi tsu kumwe naashono sha popilwe kuKaunda gwaZambia nokomusitagongalo Canaan, sho ya ti: Ontauki dhomayovi aaluudhe otaa zi muRhodesia ya ka holame omathiminiko gepangelo.

(Africa Acts)

+++++

DR. J U V A A T S I K W A

O O H A P U

Omwiliki gwOngongahangano yaAakwaluther muuyuni (LWF) okwa patana omupopyo gwa ziilila mu S.A., kutya oye e shi lile komeho, oongerki oonkwaLuther dhaatiligane muS.A. dhi kuthwe uukwashilyo womOngonga yuuyuni, ngele nani itadhi hangana kumwe nodhaaluudhe.

yemwene montaneho, osho ashike sho a tumine ombilive yopausita komagongalo gaatiligane mu S.A. opo ya taambe aaluudhe moongerki dhawo nomokukalamwenyo kwesiku kehe, ongaa-mwayinathana. Ehokololo lya zi kombelewa yaAakwaluther osho lya ti ngeyi.

(Ecunews)

Mokwiiyagumuna oohapu ndhika dr.Mikko Juva okwa ti, kutya shila omadhiladhilo ngoka oga dhimbakanithwa nombilive ya zile kEwilikongundu lya LWF, ya tumwa kaa-wiliki yaVELKSWA.

OKATONGO MOONGERKI NAKA

HOLOKE PUUYELELE

Ewilikongundu nombilive ndjika olya li ashike lya tula omuthindo pokugana bongerki adhihe dhi li iilyo mOngonga, opo dhi longithe uuthemba wopantu nUulalelo Uuyapuki waa na okatongo pashipa, ngashi sha li sha tokolwa moshigongi oshinene shAakwaluther muEvian 1970.

Oongerki otadhi indilwa, ngiika lwotango mehistoli lyOongerki, opo ndhoka hadhi longitha okatongotongo dhi tseyike, naayenda ya pukululwe nawa.

Eindilo otali ti, kutya oongerki hadhi taamba omuntu kehe melongelokalunga nadhi tule oshipalanyolo pomweelo mondanda oonene; "AMUHE ILENIMO".

(Kep.8)

Shono omupresidende kwa li e shi ningi o-



M E E D O L O N G O O T A V A K U F W A M O

V O T A V A S H U N W A M O

Ovanadolongo vaSWAPO mOwanbo, paife otava ende okanamundoda ta-  
va pitifwa mo meedolongo vo tava shunwa mo.

Omushamane Andreas Nuukwawo, okwa kufilwe nombeleva yaye yoilonga kovapolifi pehovelo lohani ei eti-  
4.10.73. Onbelewa yOngerki ile omukulukadi waye, inava lombwelwa natango kutya onolwashike.

kwao vanwe Tomas Kamati na Keshii Nathanael, navo ova i-  
lwa po kovaplifi va ye kodo-  
longo.

Va mangelulwa

Johannes Nangutuuala, onghee a ile keyeululo lomutumba wEpangelo 10-  
wambo 11.10.73 fiyo onena ina a-  
lukila vali keumbo.

Vane vomwaavo va kala modolo-  
ngo okudja Aguste, ova mangu-  
lulwa mo paife. Umwe wavo  
Skinny Hilundwa na Filemon Moo-  
ngo.

Ava have mu mono olufe pOndangwa  
ile mOshakati otava ti, kutya o-  
ku li momake ovapolifi. Eshi a  
kwatelwa kashi shiivike natango

Filippus Kalimba naWilliam Na-  
nkonda ostrafa yavo oya xupipi-  
kwa kohofa yopombada okudja ke-  
ehani 12 fiyo keehani 8 mwa  
kufwa vali eehani 4, vo vaha u-  
dikile sha mefimbo leedula 3.

Aveshe ava vavali okwa li va tee-  
lela oihokolola yavo i konakonwe  
natango mohofa yopombada mOvendu-  
ka, ei va kala muyo okudja Mai.

Petrus Moongo naye eehani 8 oda  
xupipikwa fiyo 6, ye aha udiki-  
le sha meni leedula 3.

Efiku la shikula ko 12.10. va-

OMUFITA TA TEWA MEONGALO

Omalenga mOukwanyama okwa ufa o-  
mufitaongalo waAnglikani pOdibo  
Philip Shilongo kutya na xuli-  
fe po cilonga yaye meongalo olo.

Ndamono Ndeulita keehani 6 da  
etwa pu 4, mwa kufwa vali 2,  
ye a kale ita udikile sha nande  
mefimbo leedula 3.

+++++++

Shilongo okwa li a teelelwa noku-  
li aha monike vali pOdibo ta lo-  
ngo okudja 25 Septemba neudo.

OMUKWETU

Eshi tashi mu tefa ngaha, vati  
ina konakona edengo laumwe ha  
popile Epangelo lOwanbo, eshi a  
dengwa vati kovanyasha vanwe po  
pepi neongalo.

Oye oshifo shOngerki onkwaevangeli  
paLuther yomOwambokavango  
Ohashi nyanyangighwa mOniipa  
Omukuluntu gwOshifo omumbisofi dr. L.  
Auala. Amushanga Rev. Sebulon Eka-  
ndjo.  
Ondando yoshifo komumvo muSuidwes no-  
muAfrika R 1,00, kombanda yomafuta  
R2,00.  
Oondando nomambesitelo naga tumwe ko-  
mukwetu, Oniipa, P/Sak 2013, Ondangwa  
Omatseyitho agehe gomuntu mwene otaga  
futilwa paule wehala lya longithwa po.

Omushamane Shilongo vati oku li  
yo onudiinini wemona laSWAPO ye  
oha pitika ovanhu va imbe omai-  
mbilo emanguluko.

Omuwilikingerki wOngerki yavo,  
omubishopi Richard Wood, mOve-  
nduka eshi e shi uda, okwa ti  
kutya oshinima osho ote shi tala  
nawa, ngeenge Shilongo ota fi-  
ninikwa a dje po pOdibo.

Owambokavango Church Press  
Private Bag 2013, Ondangwa SWA

Omulineekelwa umwe ota ti, fiyo  
onena tate Shilongo, ota longo.